

Reglugerðarbreyting þessi, sem samin er og samþykkt af bæjarstjórn Sauðárkrókskaupstaðar, staðfestist hér með samkvæmt vatnalögum nr. 15 20. júní 1923, til þess að öðlast gildi þegar í stað.

Félagsmálaráðuneytið, 30. maí 1978.

F. h. r.

Hallgrímur Dalberg.

Hólmfriður Snæbjörnsdóttir.

12. júní 1978.

Nr. 227.

S A M Þ Y K K T

um sorplosun á Akureyri.

1. gr.

Bæjarstjórn sér um að flytja reglulega sorp og úrgang frá íbúðarhúsnæði og opinberum þjónustubyggingum innan skipulagðra svæða á Akureyri á kostnað bæjarsjóðs, sbr þó 5. gr.

Flutning sorps og úrgangs frá atvinnuhúsnæði og húsnæði utan skipulagðra svæða annast húseigendur sjálfir á sinn kostnað nema annað sé sérstaklega ákveðið af bæjarstjórn.

2. gr.

Sorp og úrgang, sem fellur til daglega skal setja í sérstakan poka, sem bæjarfélagið lætur í té. Pokunum skal komið fyrir í þar til gerðum grindum sem sérstaklega eru ætlaðar fyrir þá og skulu húseigendur leggja þær til og kosta. Þar sem sorpgeymslur eru skulu grindurnar vera frístandandi eða festar á hurð eða vegg geymslunnar. Utanhúss skal grindunum komið fyrir í sérstökum sorptunnum eða sérbyggðum sorpkistum. Lok skulu vera á öllum sorpgrindum nema þar sem grindur eru undir sorprennum.

Um gerð, frágang og staðsetningu sorpgeymslna, sorpgrinda, sorptunna og sorpkista skal farið að fyrirmælum byggingafulltrúa og bygginganefndar annars vegar og heilbrigðisfulltrúa og heilbrigðisnefndar hins vegar.

Húseigendur skulu hreinsa snjó frá sorpgeymslum, sorpkistum og sorptunnum á vetrum og halda greiðfærri leið að þeim svo auðvelt sé að framkvæma hreinsun.

3. gr.

Húseiganda ber að sjá um, að húsi hans fylgi nægjanlega mörg sorpílát, sem endurnýjuð sé eftir þörfum. Skal hverju húsi fylgja a. m. k. ein pokagrind fyrir hverja íbúð. Frá ákvæði þessu má víkja í fjölbýlishúsum með sérstakar sorpgeymslur enda sé frágangur allur með samþykki heilbrigðisfulltrúa og heilbrigðisnefndar.

Húseiganda ber sjálfum að skipta um poka í grindum, fyllist þeir milli tæminga, og ganga þannig frá þeim að sorp hrynji ekki úr þeim.

4. gr.

Blautt sorp skal sett innpakkað í sorppokana. Glerbrot og aðra oddhvassa hluti má eigi setja í sorppoka nema þannig sé um búið að ekki sé hætta á að rífi pokann eða slysaætta geti af stafað fyrir hreinsunarmenn.

Heyi af lóðum skal komið fyrir í sorppokum hjá sorpgrind. Pappaumbúðir og annað slíkt skal binda í búnt og koma fyrir við sorpgrind.

5. gr.

Mold, grjót, timbur, múrbrot, stærri trjágreinar og annað þess háttar má aldrei setja í sorppokana og ber húseigendum sjálfum að sjá um flutning slíks svo og flutning á húsmunum og öðrum stærri hlutum, sem þeir vilja losa sig við, sbr. þó 7. gr.

6. gr.

Flutningur sorps skal að jafnaði fara fram einu sinni í viku. Hreinsunarmenn afhenda nýja poka í stað þeirra, sem þeir taka (til tæmingar) og koma að nýju pokum fyrir í grindum. Fjöldi afhentra poka skal miðaður við reynslu að nægi að jafnaði milli tæminga. Húseigendur eiga rétt á að fá poka gegn greiðslu umfram framangreint magn.

7. gr.

Einu sinni á ári skal fara fram flutningur á garðsorpi og öðrum úrgangi, sbr. 5. gr., húseigendum að kostnaðarlausu. Skal sá flutningur fara fram að vori og skal heilbrigðisnefnd rækilega auglýsa fyrirkomulag og tímasetningu flutninganna.

8. gr.

Við flutning á hvers konar sorpi, úrgangi, jarðefnum og öðrum lausum efnum, skal þess gætt að þannig sé um flutninginn búið að eigi sé hætta á að hann fjúki eða falli af flutningstæki. Skytt er að hafa palla bifreiða og annarra flutningstækja lokaða að aftan auk hárra hliðarborða.

9. gr.

Að jafnaði skal vera gæslumaður við sorphauga bæjarins, þegar þeir eru opnir til losunar. Hlíta skal fyrirmælum gæslumanns um losun og alla umgengni.

Bannað er að aðgreiða og flytja burt eitt eða neitt, sem losað hefur verið á sorphauga.

Heilbrigðisnefnd getur ákveðið nánar um flutning, móttöku og frágang sorps á sorphaugum og í sorpeyðingarstöð, verði henni komið upp, og á hvaða tímum tekið er á móti sorpi.

10. gr.

Brjóti húseigendur ákvæði samþykktar þessarar um meðferð og geymslu sorps skulu hreinsunarmenn tilkynna það heilbrigðisfulltrúa. Sé um að ræða brot að mati heilbrigðisfulltrúa og heilbrigðisnefndar skal nefndin hlutast til um að húseiganda verði gert að ráða þar bót á innan ákveðins tíma. Bæti húseigandi ekki úr innan þess tíma, eru hreinsunarmenn ekki skyldugir að taka sorp hjá viðkomandi fyrr en úr hefur verið bætt.

Húseigendum ber að snúa sér til heilbrigðisfulltrúa með kvartanir sínar séu þær ekki teknar til greina af hreinsunarmönnum.

Hreinsunarmönnum er óheimilt að hnýsast í sorppoka eða hirða úr þeim muni.

11. gr.

Brot gegn samþykkt þessari varða sektum, eða varðhaldi ef miklar sakir eru. Sinni aðili ekki innan tiltekens frests fyrirmælum heilbrigðisnefndar samkv. reglugerð þessari, getur hún ákveðið honum dagsektir, allt að 2 000 krónum þar til úr er bætt. Dagsektir renna í bæjarsjóð. Með brot á reglugerðinni skal farið að hætti opinberra mála.

12. gr.

Ofangreind samþykkt bæjarstjórnar Akureyrar staðfestist hér með samkvæmt lögum nr. 12/1969 um hollustuhætti og heilbrigðiseftirlit og öðlast þegar gildi.

Heilbrigðis- og tryggingamálaráðuneytið, 12. júní 1978.

F. h. r.

Jón Ingimarsson.

Ingimar Sigurðsson.

AUGLÝSING

**um staðfestingu sjávarútvegsráðuneytisins á verðgrundvelli á frystum
hörpudiski fyrir framleiðslutímabilið 1. júní til 30. september 1978.**

Með skírskotun til laga nr. 72 28. maí 1969, um Verðjöfnunarsjóð fiskiðnaðarins og samkvæmt tillögum stjórnar Verðjöfnunarsjóðs fiskiðnaðarins, hefur ráðuneytið staðfest eftirfarandi verðgrundvöll á frystum hörpudiski fyrir framleiðslutímabilið 1. júní til 30. september 1978:

	Ísl. kr. á lb. Cif.
Lausfrystur hörpudiskur	493.05
Blokkfrystur hörpudiskur	467.10

Verðbil verður 10%, miðað við verðlækkun eingöngu.

Greiðslur í sjóðinn miðast við 62.5% af verðbreytingu frá grundvallarverði án verðbils, en greiðslur úr sjóðnum miðast við 62.5% af verðbreytingu frá grundvallarverði að frádragnu verðbili.

Sjávarútvegsráðuneytið, 12. júní 1978.

F. h. r.

Jón L. Arnalds.

Kristín Magnússon.

AUGLÝSING

**um staðfestingu sjávarútvegsráðuneytisins á verðgrundvelli á freðfiski
fyrir framleiðslutímabilið 1. júní til 30. september 1978.**

Með skírskotun til laga nr. 72 28. maí 1969, um Verðjöfnunarsjóð fiskiðnaðarins og samkvæmt tillögum stjórnar Verðjöfnunarsjóðs fiskiðnaðarins, hefur ráðuneytið staðfest eftirfarandi verðgrundvöll á freðfiski fyrir framleiðslutímabilið 1. júní til 30. september 1978:

Þorskur:	Ísl. kr. á lb. Cif.
4×14 m/r 5—8 oz	252.22
4×14 m/r 8—12 oz	258.05
4×14 m/r 12—16 oz	267.72
4×14 m/r 1—3 lbs.	271.60